

جَزَائِكَ عَجَابُ

نومرو شعبان سنه ۱۲۹۰ بازار ایرتسی ۱۷ ایلول رومی سنه ۱۲۸۹ صحیفه ۳۱۳

اشوغزته بهر هفتته بازار ایرتسی کونلری چیقار . سنه لکی بر عثمانلی یوزلک التوننه و بهر نسخه سی
شمذیک ایکیشر غروشه اوله رق هر یرده صاتیلور . سنه لکنه مشتری اولق استیالور
مکتب صنایع مدیر لکنه مراجعت ایتلیدر

محاکمات جزائیه دأوره سندن ویریلان مضطه
صورتک مابعدی
بر موجب ادعا خنق و اعدام ایله نعلشی نهر مذکوره
القا ایتدیکنی و اگرچه کندوسی بوارهلق مرقومک
یاننده بولنوب زوجنک اتلاف اولندیغنی کورهش
ایسه ده برکونه معاوتده بولندیغنی معرض
اقرارده بیان ایلسنه و مرقوم پویراز اسماعیلک
کیجه خانه سنه کلوب قالدیغنی و ذاتاً دخی
یلدیکی آدم اولدیغنی و متوفای مرقومک
همشیره سی دونه نام چوچق دخی وقوع قتل
کیجه سی معتادزی اوزره برادری مامو وینکسی
سنم خانه زنده بولنوب صباحین سنم کندوسی
اواندیره رق حایدی قرداشنی قالدردیوب کندوسی
دخی مامونک یالیدیغنی محله کیدوب بوله مدیغندن
عودت ایدرک قرداشنک ایلدیغنی سوله مسیله
مزبوره اغلامغه باشلامش و نیچون اغلایورسکز
دیدیکنده مالی الوب قاچدیغنی چون اغلایورم دیمش
اولدیغنی و بوارهلق عزامه سی یوسف دخی
بالورود مامو نه اولدی ونه یه کتسی دیدیکنده

سنمک اسماعیله بوغدرتدم وار الدن کلانی اردنه
قومه دیدیکنی و دأئما اسماعیلک خانلرینه کلورایکن
کیجه قالدیغنی اختیار مجلسی اعضاسندن دلی محمد
الله اهالیدن جمعه مرقوم مامو وقعده دن ایکی کون
اول قریه یه کلوب اوکیجه خانه سننده کورلدیکی
حاله ایرتسی کون غیبوت ایدوب مرقوم
یوسفک مزبوره دن سؤال ایلسی اوزرینه مزبوره
جواباً تلف ایتدیرتدم نه یاپه جقسکز دیدیکنی و مرقوم
اسماعیلک مزبوره یی خیلی زماندنبرو صیالی کبی
قولاندیغنی و بوقتک مرقوم ایله مزبوره دن
صدورنده شههزی اولدیغنی وینه مختار حسین
ایله اختیار مجلسی اعضاسندن محمد اوغلی اسماعیل
و حسن اغا و امام علی و طوپال حسن دخی
کندوزینک قتل مزبور حقنده اولان معلومات
و مسموعاتلری مرقومان محمد و جمعه نک افاده زی
مرکزنده دأر بولندیغنی مع الحلف و جاهاً اخبار
ایتلرینه و متوفی مامونک بوینده ظهورایدن ایپ
حال حیاتنده استعمال ایتدیکی مذکور خزار ایی
اولدیغنی تین ایتسنه و تحقیقات جاریه یه نظراً

اسماعيلك انكارى واهى اوله رق بروجه مشروح فضيحه قتل مجاسرتى و مزبوره سنك معاوتى تحقق ايتش اولديغندن كور اسماعيلك يوز يتمشجي ماده قانونيه موجبنه اعدامى و سنك دخی يوز يتش بشجي ماده قانونيه منطوقجه اون برسنه مدله كور كه قونلنى اشعار قلمشدر

اعلام شرعى مالى دخی مدعى وصى واصل حسن ايله مزبوره سنم مدعى عليه مرقوم كور اسماعيلك انكارينه مقارن تصدى ايلدكلى دعوازنى بالوصايه و بالاصاله اثباتدن اظهار عجز ايدوب طلبيله مدعى عليه مرقوم برنج شرعى تخليف اولمغن موجبنه مدعيان مزبوران دعواى مذكوره ليله مدعى عليه مزبوره بلابيه معارضه دن منع اولندقلرني بياندن عبارت اولوب بوصورته مدعيه مزبوره نك ذاتى معروفه ايسه مدعيان مزبوران بعدما خصوص مذكور دن طولاي مدعى عليه مرقومه بلابيه معارضه قادر اوليه جلقلى جانب فتواخانه دن ظهراعلام مذكوره تحرير و اشارت اولمشدر مال اشعاره نظراً قتل مذكور بروجه مشروح تصور و تصميم اوزرينه تعمداً كور اسماعيلدن صدورى و سنك دخی يوبابده رأى ومدخلى واقع اولان اقرار و اخبار و امارات ساره ايله تين ايلديكبه و مذكور يوز يتمشجي ماده قانونيه ده برآدمك تعمداً قاتل اولديغنى قانوناً تحقق ايدرايسه اعدامنه حكم اولنور ديو محرر بولنديغنه مبنى مرقوم اسماعيلك بو حكمه توفيقاً صلب و اعدام اولمسي حقتده اقتضايدين فرمان عالينك اصدار و باامنامه سامى ولايت مشار اليهايه تسيار بيورلمسى و سنك تعين صفتى بحثه كلنجه اكرچه محلى بوكا معين قاتل صفتيه جزا تعين ايتش ايسه ده قتل مزبوره ائرفعلى منضم اولوب بن زوجى اولديردم ديمش اولسنه وقضيه نك صورت جريانى دخی بو حالى مؤيد بولمسنه كوره مزبوره آمر غير مجبر صفتده

كورنديكندن و آمر غير مجبر اولان اشخاصك موقتاً كور كه قونللى يوز سكرسان دردنجي ماده قانونيه احكامندن بولنديغندن مزبوره نك تاريخ توقيفى اوراق مرقومده كوستريلان سكرسان بش سنه سى اغستوسنك اون التجي كونندن معتبر اولق و خصوصيت حالنه حرمة تشهيردن معاف طوقلق اوزره اون بش سنه مدله نسايله مخصوص مجبسه حبس ايدلمسى خصوصنك امرنامه مذكوره درج و علاوه بيورلمسنه قرار ويرلدى

محاکات جزايه دائره سندن و يريلان مضبطه صورتيدر

قاچى قصبه سى محلاتندن يوسف پاشا محله سنده مستأجراً اقامت ايتمكه اولان روسيه دولتى تبعه سندن بليك نام شخصك ليلا دكانى دروننده بولنان مغازه سندن فعل سرقته تصدى ايدن دولت مشار اليها تبعه سندن ميناس افان نام كمنه حقتده اجرا قلنان تدقيقات نظاميه ي متضمن ارضروم ولايتك وارد اولوب ديوان احكام عدليه حواله بيوريلان ۸ جمادى الاولى سنه ۱۲۹۰ تاريخلى والى بش نومرولى تحريراتيله ديوان تميز ولايتدن مصدق مجلس تميز لوا مضبطه سى و اوراق استنطاقيه محاکات جزايه دائره سنده مطالعه قلندى

اوراق مرقومه مألزنده سكرسان طقوز سنه سى ربع الاخيرينك يكرمى التجي صالى كوفى مزبور بليك كون كتورمك اوزره مغازه سنه كيرديكنده ديوارك سقنه مربوط محلاتدن دلنوب تكرار اوريله رك اوزرى اوت ايله اورتمش اولديغنى كورمسيه دكان قوموشولندن راعب افندى ايله ثابت اغاي چاغروب كوستردكدن و خانه سنه كيروب قاسنى الدقندن صكره دكانه كلهرك قيوپى طيشارودن اوزرينه كليدلنوب ظهوراته منتظر

اينك يتسو وقتى ديوارك دلمش اولان محلاتدن طوپراق اقمه باشلايوب متعاقباً برده كبريت يانه رق برآدم قولى مشاهده ايتمسه همان قاسنى قنندن چيتاروب شخص مرقومك يانه كيدر ك بردفعه باشنه اوروب بوينندن طومش و مرقوم قريم تانارزى لسانيله تكلم ايتمكه اولديغنى حالده بويننى الندن قورتاروب مقابله تصدى ايتش اولمغه يكديكريه بوغوشورل اينك شماتلرني زقاندن كچمكه اولان عساكر مستحفظه قولى ايشيدرك دكانك اوكنه كلسيله سارق مرقوم قاسنى مغازه ايجروسنده وقا قنى ايله سائر اشيا سنى طيشاروده بر اقوب فرار ايلديكنى افاده و ادعا ايتسى و مزبور ميناس افانك مجروح و سرسرى كز مكدسه اولديغنى حالده در دست اولمسي اوزرينه دولت مشار اليها قونسلومى بالذات حاضر اولديغنى حالده تدقيقات استنطاقيه لى الابدات مرقوم ميناس افان ذاتاً روسيه دولتى ممالكندن كرى سنجاغى اهالي سندن اولوب بوندن چند سنه مقدم بر اسب سرقه ايتمسندن طولاي فراراً ممالك محروسه شاهانه كچوب خدمتكارلق ايله كشت و كذار ايتمكه اولديغنى حالده شوره كل قضاسنه يولى دوشوب قورخانه جوارنده تصادف ايتديكى اشقيا جانبندن مالى نزع و كندوسى جرح اولنديغنى بالبيان فضيحه سرقته مدخلنى انكار ايتش ايسه ده دولت عليه تبعه سندن ياپاس قره بك اوغلى بدروس ليله مرقومه ده مرقوم بليك جانبندن آدم كلوب بيان وقوعات ايدرك پدري كوتورلدكندن تخميناً بر چاريك صكره خانه قيوپى چالينوب كندوسيدنى پدريك عودته ذاهب اوله رق قيوپى اچديغندن مرقوم ميناس افانك مجروح ولايعقل اولديغنى و اوزرى باشى اصلاق بولنديغنى حالده اوراده بيتوت ايتك اوزره ايجرويه قبول اولمسنى رجا ايلديكى

وروسيه دولتى تبعه سندن وارمى كليسا سى مكتب خواجه سى اوخانس دخی او كچه صباحه قارشو كليسا اتصاننده اولان او طه ده ياتوركن ميناس افان كلوب او طه جامنى اوره رق ارمى ملتندن اولديغندن و مجروح و اصلاق بولنديغندن ايجرو النسنى استرحام ايلديكنى مع الحلف و جاهاً بيان و اخبار ايتلرينه و كندوسنك حيوان سرقيله متهم اولديغنى تحت اعترا فنده بولمسنه و ذاتاً دخی او يغونسز طاقندن اولوب بو مثلو افعالك كندوسنندن صدورى مأمول ايدوكى قونسولاتوس جانبندن تصديق اولمسنه نظراً مرقومك انكارى واهى اوله رق بروجه محرر فعل سرقته مجاسرت ايلديكى تحقيق ايتش اولديغندن بحثه قانونك ايكوز يكرمى ماده سى و ايكوز اوتوزنجى ماده علاوه سى موجبنه درت سنه مدله كور كه قونلنى استشعار قلمشدر

مدلول اشعاره نظراً مرقوم ميناس افانك بروجه محرر فعل سرقته تصدى ايدرك اسباب مانعه حيلواتيله يرشى القسزى فرار ايلديكى امارات واقعه ايله تحقيق ايتش اولديغندن و مذكور ايكوز يكرمى ماده قانونيه ده قبلى و ديوار ايله محدود اولان محلك ديواريني دلهرك و يازدبان ايله اشهرق و ياخود الت مخصوصه ايله قيوپسى اچهرق خرسزلق ايدنلر موقتاً كور كه قونيلورر و علاوه مذكوره ده دخی فعل سرقه ك اجراسنه تصدى ايدوبده يداختيارنده اوليان اسباب مانعه حيلواتيله يرشى الهامش اولان خرسز حقتده تصدى ايلدكلى فعلك درجه سنه كوره سرقه جزا سى اجرا اولنور ديو مندرج بولنديغنه بناء مرقومك بو حكمه توفيقاً و تاريخ توقيفى اولديغنى اوراق مرقومه ده كوستريلان سكرسان طقوز سنه سى ربع الاخيرينك طقوزنجى كونندن اعتباراً امر شهرى اون طقوزنجى ماده قانونيه ده مندرج قاعديه

بعد التوفيق درت سنه مدله محله کور که قولی
خصوصک ولایت مشار الیهامه امر و اشعار
یورلسنه اکثریت آرا ایله قرار ویرلدی اولیاده
امر و فرمان حضرت من له الامر کدر

۱۷ رجب سنه ۲۹۰ تاریخیه تمیز حقوق
دائرة سندن ویریلان اعلام صورنیدر

خدا ویردی اوغلی متوفی هوجه ابراهام ورثه سیله
اندون بک پیننده اولان ساحلخانه منازعه سنه
دائر محکمه استینافیه دن ویریلان اعلامک تمیزینی
مستدعی مومی الیه اندون بک ویرمش اولدینی
عرضحال غره محرم سنه ۹۰ تاریخیه تمیز
حقوق دائره سنه حواله اولنگاه طرفینک لایحه لایله
برلشدیریلرک قرائت و مطالعه اولندی

اعلام مذکورک مندرجاتنه نظراً طرفینک در سعادت
مرکز بدایت محکمه سی ایکنجی حقوق دائره سنه
اجرا اولنان محاکمه زنده ورثه مرقومه دن اوخانس
افندی ایله دیکرک وکیلی موسیو ادوارید اندون
بکک پدری متوفی هوجه نظرک خدا ویردی
اوغلی اوطه سنه دیرکتورلغی هنگامه مالیه
خزینیه سندن یوز بیک غروش بدل ایله مذکور
اوطه مطلوبنه مقابل بوندن قرق الی سنه مقدم
بالفرغ دیرکتور مرقوم نامنه کچوریلان و بر
مدت پدری متوفی ایله برلکده دروننده اقامت
اولنان وهوجه نظرک وفاتنده اولادینه عادیاً
بعد الانتقال کندو حصه سنه علاوة حصص
سائر مومی الیه اندون بک عهده سنه فراغ
ایدیلان قلندر کوشکی جوارنده واقع بر باب
ساحلخانه میر مومی الیه ایله ورثه سائرک امضاسی
تحتنده بولنان مقاوله سندی منظوقجه اوطه نک
مالی اولدیفندن اوطه مشترکترینک حصه لینه کوره
تفریقنی طلب واغاده وارنی الحروف ه محرم
سنه ۷۵ تاریخلی بر قطعه مقاوله نامه ابراز واره

ایشلاردر اشبو مقاوله نامه نک خصوص مستدعیه
دائر اولوب ترجمه ایتدیریلان بندنده اوطه شرکتنه
داخل املاکدن قلندر کوشکی جوارنده اولان
یالینک مصارف تعمیریه سی هر نه اولمش ایسه
شرکتنه داخل اوله جغی و فقط باغچوان ایلقلریله
اوفق تفک مصارفی اقامت ایدن فاملیا طرفندن
یعنی بیک سکز یوز اوتوز الی تاریخندن ایکوز یتش
بش سنه سی محرمک اون بشنه قدر یکرمی اوج
سنه ظرفنده اولان بو مقوله پراکنده مصارف
طرفلندن ویریلوب یکرمی اوج سنه ک کراسی
طرفینک رضایله کندوزینه مصرف و اوطه نک
شرکت حسابنه ایراد قید اولنگه جغی محرر بولمشدر
اندون بک دخی جوا بنده بر حیات اولان همشیره سیله
دیکر فوت اولان همشیره سی ورثه سنک بوندن اوج
بجق سنه مقدم متوفی ابراهام ورثه سندن
تصدی ایلدکلی دعاوی سائر صره سنده مذکور
یالی پدرلی نظرک فوتندن صکره عهده زینه
عادیاً انتقال ایلدیکنی در میان ایله ابراهام
ورثه سنک واقع اولان مداخله زینک مننی ادعا
ورثه مرقومه دخی مذکور یالینک اوطه مالی
اولدینی دعاوی ایللری اوزرینه دیوان احکام
عدلیه نک حقوق دائره سنده و هیئت عومیه سنده
جریان ایدن محاکمه ده باذن متولی کندو عهده سنده
اولان مذکور ساحلخانه ایچون بویولده دعا
ایتمک صلاحیتلری اوله میه جغی و کندو سنه
مراجعت ایتلری لازم کله جکی حقنده ویریلان
قراره تمسکله همشیره زی کندوسی لاجل التدافع
حضور فتواینها یه دعوت و اوخانس افندی ایله
ورثه سائر دخی مذکور ایکنجی حقوق دائره سنه
مراجعت ایلدکلیدن بو ایشه دائره مذکورجه
باقیه بیلجک ایسه همشیره و همشیره زاده زینک
دخی حاضر بولملرینی و انلر حاضر اولمدیقه
محاکمه کیریشیله میه جکی افاده ایشلدر

مذکور ساحلخانه نک صورت تفرغی اندون بکدن
صورلدنده اوطه نک مطلوبنه مقابل مالیه
خزینیه سندن اشرا اولدینی تصدیق ایله برابر
هوجه ابراهام ایله قردادشلرینک بدلنی اوطه دن
ویرلرک المش اولدقلی املاکک دخی اوطه مالی
اولمسی اقتضا ایده جکی و انلر اوطه نک اوله جق
ایسه بونکده او صریه کچمی طبیعی اوله جغی
بیان و اوخانس افندی ایله موسیو ادوارید دخی
متوفی ابراهام اوطه اچمه سیله تقدیر املاک مباویه
ایتمش ایسه عهده سنه ذمت قید اولدینی دفترده
کورلدیکی کبی قردادشلرینک مبايعات دخی
بوقیلدن اولوب لکن اشبو ساحلخانه اوطه مطلوبنه
مقابل خزینیه جلیله دن اعطا اولدینی حالده
بدل معلومی دیرکتور مومی الیه ذمت قید
اولدینی میدانده ایدوکنی واندون بکک دیدیکی
کبی همشیره و همشیره زاده زینک اثنای محاکمه ده
حضورلرینه لزوم اولدینی و کندوزینک بر صورتله
ادعاری وار ایسه اوطه معاملاتنه مراجعت ایلک
اوزره اول بول مذکور ساحلخانه نک ترکیله شرکت
حسابلرینک بر آن اقدام رؤیتی لازم کله جکی
در میان ایشلاردر بونک اوزرینه ایکنجی حقوق
دائرة سنجه دیوان احکام عدلیه حقوق دائره سنک
قرارنامه سیله ساحلخانه نک سندی مطالعه اولدقدن
ومار الذکر مقاوله نامه ده امضاسی بولنانلردن
اوسب افندی بالذات وتقوهی قادی طرفندن
دیکر اوسب افندی بالوکاله دائره یه جلب ایله انلر
دخی استیجاب قلندقدن صکره کیت لیدی التذکر
بو مثللو خصوصاتده اساس معامله اتخاذی مقرر
اولان بیورلیدی عالیده مستققات و مستغلات
اوقافدن باذن متولی عهده سنه عقار فراغ اولنان
کسنه نک اول عقار عهده سنه مواضعه بولندینی
کندو اقراری ویا طرفندن ویرلش بر سندن ایله
تحقیق ایتدیکی تقدیرده اول عقارک مستعارله

عهده سنه کچورمکه نظام مساعد ایسه حکمک
صدورینی متعاقب مستعارله عهده سنه نقل ایتکده
ونظام مساعد دکل ایسه بدلی مستعارله عادی اولق
اوزره اخرک عهده سنه فراغه مجبور اولمسی
و امتناع ایدر ایسه رضاسنه باقیمه رقی طرف
حکومتدن بروجه مشروح ایجابی اجرا قلمسی
ونام مستعار صاحبی حق انتقاله نائل وورثه سنی
ترک ایله وفات ایتش بولنور ایسه ورثه حقنده
دخی اشبو معامله نک عینیه جاری اولمسی مصرح
اولمسنه مبنی دعاوی مذکورک رؤیتی دائره نک
وظیفه سی داخلنده بولندیغه قرار ویرلمشدر
اشبو قراری اندون بک عدم قبول ایله استیناف
دعا ایتش اولمسنه مبنی محکمه استینافیه جه
دخی اجرا قلنان محاکمه نک نتیجه سنده اندون
بکک اعتراضی دعاوی مذکورک شرعاً رؤیتی
لزومه دیوان احکام عدلیه هیئت عومیه سنده
قرار ویرلمشیکن مؤخرأ بونک خلافتده ایکنجی
حقوق دائره سنک دعاوی مذکورک رؤیتی
وظیفه سی داخلنده بولندیغه دائر ویردیکی قراری
عدم قبولدن عبارت ایسه ده هیئت مذکورده
اوله برقرار ویرلماش اولدینی اکلاشلدینی کبی
میر مومی الیه ک او یولده اعتراض ایلسی دخی
مقدما بوماده مدعی بولنان مفردیج افندی ایله
همشیره سی تقوهی قادی نک ایشک شرعله رؤیتی
لازم کله جکده هیئت مذکورده قرار ویرلرک
کندوزینه تفهیم اولمش اولدینی سولملرله انلردن
الدینی معلوماتدن نشأت ایشل ایدوکنی افاده
ایتمسیله اشبو اعتراضک حکمی اولدینی و اعتراضات
سائر سی دخی اصل دعوانک حین رؤیتنده
در میان اولنه جق مواددن اولوب استینافده
تدقیقنه محل کوریه مدیکی وذات مصلحت متوفی هوجه
نظرت ورثه سیله هوجه ابراهامک امضاسی تحتنده
بولنان مقاوله سنده سنه مستند اوله رقی نظاماً تدقیق

ورؤیت اولنه جق مواددن بولندیغی جهتله سالف
الذکر یالی ماده سنک ایکنجی حقوق دائره سنده
تدقیق ورؤیتی اقتضا ایده جکنه قرار ویرلمشد
مستدعی تمیز خنداوردی زاده اندون بکک
لایحه اعتراضیه سی ایکی بند و برخاتمه دن عبارتدر
برنجی بندی مذکور ساحلخانه بارای متولی متوفی
برادر و همشیره زیله عادیاً کندوسنه انتقال ایش
و بو مقوله مسققاته متعلق دعاوینک محکمه
شرعیه جه رؤیتی اصول و نظام قدیمی احکامندن
بولنش اولسنه نظراً بودعوانک محاکم نظامیه ده
رؤیت اولنه میه جق درکار ایکن محکمه استینافیه نک
درجه اولی قرارینی تصدیق ایتسی اصول محاکمه
مغایر اولدیغی میندر ایکنجیسی اگرچه هوجه ابراحام
ایله کندیلری بینده بر مقوله عقد اولنش
ایسه ده اشبو مقوله ده مصلحتک منسوب اولدیغی
محکمه نک غیری بر محکمه ده رؤیت اولمنسی
استلزام ایده جک بر شی اولمیوب بو خصوصه
دائر مقدما حقوق دائره سنندن ویریلان قرارده
دخی مذکور ساحلخانه نک باذن متولی عهده سنده
ایدوکی جهتله کندوسنه مراجعت اولمنسی بیان
اولنش و بو مقوله مصالح عتیقه نک ینه اصول
قدیمه اوزره باقلمسی لازمه دن بولنش اولدیغی
و مقوله نک یا کلش تفسیر ایدلیدیکی کبی مقوله نک
تنظیمی و دعوانک ظهوری تاریخده محاکم
نظامیه موجود اولدیغنه بناء محکمه استینافیه
اعلامنک خلاف قانون بولندیغی متضمندر
خاتمه سننده دخی دیوان احکام عدلیه نظامنامه
داخلیسنک ایکنجی و اونجی ماده زینه توفیقاً
اعلام مزبورک تقضیه کیفیتک محکمه شرعیه
حواله سی و اعلامک لاجل التحجیح محکمه استینافیه
اعاده سی طلب و استدعا اولمشدر
خداوردی اوغلی اوخانس افندی وکیلی موسیو
ادوارید امضاسیله ویریلان جواب لایحه سی

اوج بنددن عبارتدر برنجیسی طرفین بیننده تحدت
ایدن منازعه سند اصلی به مستند و ملک خصوصه
دائر اولوب طرفین بیننده تنظیم ایدیلان مقوله
نامه نک اجرایی خصوصندن عبارت اولدیغنه
و مقوله نامه ده مذکور ساحلخانه نک کندو عهده سنده
ایسه ده مالی اولدیغی میر موسی ایله طرفندن
بیان اولندیغنه نظراً بویه مقاولاتدن تحدت ایدن
منازعاتک رؤیتی باراده سنیه محاکم نظامیه
وظائفندن بولندیغی شاملدر ایکنجیسی مجبوت
عنه اولان بیورلیدی یکی بر نظام اولمیوب محاکم
نظامیه نک وظائفنی تعیین و تجدیددن و نظامی
تفسیردن عبارت بولمغه اشبو بیورلیدی نشرندن
مقدم تنظیم اولنش اولان مقاولاتدن متولد
منازعاته تعیم قلندیغی تقدیرجه نظامک ماقبلنه
شمولی اقتضا ایتیه جکی مثلاً بونی ادعا محاکم
نظامیه نک تاریخ تأسیسندن صکره متولد
خصوصاتی رؤیت ایده جکنی ایما دیمک اولوب
بو ایسه محاکم نظامیه نک بیوک بر قسمک حکمی
الغا طرزنده اساسسز بر ادعا اولدیغی حاویدر
اوجنجیسی اندون بکک ادعای کبی مقدما برقرار
صدور ایتامش اولدیغنه و دعوی اولنان قرارک
مسئله حاضرده دن بسبتون خارج اولوب مسئله
مذکوره یه تعلق تسلیم اولسه بیه اندون بکک
افاده سی کبی مسئله نک محکمه شرعیه یه حواله سی
ایجاب ایتیه جکنه بناء موسی الیهک تمیز
استدعاسنک ردیه محکمه استینافیه اعلامک
تصدیق اقتضا ایده جکنی محتویدر
اولنان دعوت اوزرینه مستدعی تمیز اندون
بک اصالة و متوفی خداوردی اوغلی ابراحامک
ورثه سنندن اغوب افندی و ورثه سائر طرفندن
موسیو ادوارید وکالة دائره کلش و موسیو
ادواریدک محکمه استینافیه ده کی وکالت نامه سی
لدى المطالعہ تمیزه دخی شامل کورنش

اولدیغندن اعلام مزبور ایله طرفینک لایحه یی
مواجهه زنده قرائت اولندقدن صکره لدی الاستجواب
موسی ایله اندون بک بوندن اقدم دیوان احکام
عدلیه هیئت عمومیه سننده یالی ماده سنندن طولانی
متوفی ابراحام و نظرت ورثه زینک یکدیگری
علیهنده دعواه صلاحیتلری اوله میوب کندوسنه
مراجعت ایللری حقنده قرار ویرلمش و بونک
اوزرینه داود اوغلی مغربی افندی نک واقع اولان
استدعاسنه مبنی جانب شرعشرفدن برقطعه اعلام
شرعی تنظیم واعطا قلنش اولدیغندن و شمیدیکی
ادعا دخی شرعشرفه عائد مواددن بولندیغندن
ادعای مذکورک رؤیتی محاکم نظامیه نک وظائفنی
دائر سنندن خارج ایدوکی دعوا ایلدی و موسیو
ادوارید جوابنده مؤکلا رینک دعواسی ورثه نک
تحت امضاسننده بولنان بر مقوله نامه یه مستند
اولدیغی جهتله بونک رؤیتی محاکم نظامیه عائد
اوله جقنی و اویله طرف شرعشرفدن اعلام شرعی
ویرلیدیکنه معلوماتی اولدیغی و اولسه بیه
کندوزینه تعلق ایدر جمعی اوله میه جقنی درمیان
ایتدی مذکور اعلام شرعینک اجرا جمعینده
بولندیغی موسی ایله اندون بک افاده ایلدیکندن
اعلام مذکور کستوریلرک هیئت عمومیه نک قرار
مشروعی و مذکور مقوله نامه صورتی ایله برابر
مطالعہ ایدلکدن و موسی ایله اندون بک طرفندن
اخیرا ویریلان مذکورک بر صورتی موسی ایله اغوب
افندی یه بالتبلیغ جواباً ویرش اولدیغی عرضحال
اوزرینه تکرار طرفین جلب اولنه رق اوراق
موجوده ایله ایکنجی دفعه اوله رق اندون بک
طرفندن ویریلان مذکره مواجهه زنده قرائت
اولندقدن صکره لدی الاستجواب اندون بک لایحه
اعتراضیه سیله مؤخرأ ویرمش اولدیغی ایکی قطعه
مذکره سی مندرجاندن بشقه پرافاده سی اولدیغی
بیان و موسیو ادوارید ایله اغوب افندی دخی

لایحه جوابیه و اخیراً ویریلان عرضحال مندرجاندن
بشقه بر دیه جکری اولدیغی اتیان ایله برابر هر تقدیر
بویاده برقطعه اعلام شرعی ویرلش ایسه ده کندوزینک
بوندن معلوماتی اولدیغی کبی بونک طرفلرینه
طوقور جمعی اولدیغی جهتله بو دعوانک محاکم
نظامیه ده رؤیتی لازم کله جکنی درمیان ایدیلر
بونک اوزرینه ایجاب کیفیت لدی المذاکره موسی
ایله اندون بکک لایحه اعتراضیه سیله مؤخرأ
ویرمش اولدیغی ایکی قطعه مذکره سننده مندرج
اعتراضات و شفاهاً واقع اولان افاداتی مقوله
نامه ده دعوانک منسوب اولدیغی محکمه نک غیری
بر محکمه ده رؤیت اولمنسی استلزام ایده جک بر
مقوله اولدیغی و بو مقوله مصالح عتیقه نک
اصول قدیمه اوزره باقلمسی لازمه دن بولندیغی
و دعوانک ظهورنده محاکم نظامیه موجود
اولدیغندن مقوله نامه نک یا کلش تفسیر ایدلمش
و محکمه استینافیه اعلامی خلاف قانون بولنش
اولدیغی مثلاً منازعه فیله اولان یالو مسققات
موقوفه دن اولوب بناء علیه بونک ایچون میدانده
اولان منازعه نک شرعاً رؤیت و تدقیقه اصول
وقفه تطبیقاً حسمی لازمه دن اولدیغی درجه
اولی محکمه سننده مدعیلر طرفندن مقوله نامه نک
بشجی بندی ابراز اولنه رق درنجی بنسینک
کورلما سی بند مذکورده اموال مزبور نک وقف
اولدیغی محرر اولدیغندن اولیاده کی منازعه نک
شرعاً رؤیتی ایجاب ایده جکی مطالعه سنندن
منبعث ایدوکی و مذکور مقوله سنندی میراث
تقسیمه و دفتر تنظیمه دائر بر مقوله اوراق
بولندیغندن خلاف شرعشرف برشی ایسه تدقیق
و تحقیق مقتضی اولوب اموال متروکه تقسیم
و انتقالی کیفیتی اولیه مقوله ایله غیر جائز
اوله جق و مذکور یالی پدرزی طرفندن فامیاسنک
افاتی ایچون النمش و هوجه ابراحام طرفندن

دخی بویه جه املاک النوب صلیله رق انتفاع قلمش
ایکن شمدی بونک اورتی مالیدر دینله رک میدانه
قولسی شرعاً و نظاماً مسموع اولمیه جغنی
وهمشیره زی طرفندن حضور حضرت فتوایه های به
وقوعبولان مراجعت اوزرینه اعلام تنظیم قلمش
اولدیغندن ارتق محاکم نظامیده تدقیقه محل
قالماش اولدیغندن مذکور مقاوله شرعاً شایان
اعتبار اولماغله و اولسایده حکم شرعی دخی
لاحق اولماغله ارتق بواشه نظاماً باقیله جق
اولور ایسه اولخالده حکمی اولمیان برشی اوزرینه
اجرای محاکمه اولنق و بر ماده بی ایکیه تقسیم
ایله یکدیگره مبین حکمر ویرلمک دیمک اولوب
بو ایسه خلاف قانون بولندیغی و نظاماً رؤیت
دعوا اولنور ایسه اعلام شرعینک حکمسز
قالمی لازم کله جکی جهنترله دیوان احکام عدلیه
نظامنامه داخلینک ایکنجی و اونجی ماده زی
موجبجه محکمه استینافیه اعلامنک نقضی اقتضا
ایده جکی قضیه زی اولوب انجق اعلام مذکوره
محرر اولدیغی اوزره موضوع بحث اولان ساحلخانه
منازعه سی متوفی هوجه نظرت ورته سیله هوجه
ابراهمک امضاری تختنده بولنان مقاوله سندیینه
مستند و بو مقوله مقولادن متبعث دعاوی ایسه
حقوق عادیه محاکم نظامیه سنه عا د اولدیغنه
و منازعه مذکوره نک مسققات موقوفه دن بولنان
ساحلخانه متدائر اولمسی و مصالح عتیقه دن
بولمسی شرعاً رؤیتی استلزام ایده میه جکی کبی
مارالبیان اعلام شرعیدن اکلاشدیغی اوزره
هرنقد مذکور ساحلخانه نک سبع حصه شایعه سندن
طولای مومی الیه اندون بک ایله همشیره سی متوفاه
اسقوهی قادینک اولادلی نظرت واعسوب
وقادقونک وکیلری داود اوغلی مغدیج افندینک
حضور حضرت فتوایه هایه جریان ایدن مرافعه
شرعیه زنده مومی الیه اندون بک طرفندن

ایک اوزره اول امرده هوجه ابراهام ورته سندن
المنسنة قرار ویرلدی و صورت قرار طرفینه
تفهیم قلندی

ه رجب سنه ۲۹۰ تاریخیه تمیز حقوق
دائرة سندن ویریلان اعلام صورتیدر
شیشه جی عزت و رفعت اغار ایله غلطه ده
خلیل پاشا خاندن مقیم پریکلی ووروو بیننده
تکون ایدن منازعه یه دار محکمه استینافیه دن
ویریلان ۴ ذی القعدة سنه ۸۹ تاریخلی اعلامک
تمیزینی مستدعی مرقومانک وکیل خلیل افندی
طرفندن اعطا اولنان ۱۰ محرم سنه ۹۰ تاریخلی
عرضحال و لایحه و مذکور اعلام صورتی دیگر
طرفک لایحه جوابیه سیله برلشدیریلرک تمیز
حقوق دائرة سندن قرائت و مطالعه اولندی
محکمه استینافیه اعلامنک خلاصه مالی پریکلینک
بلاطده متصرف اولدیغی شیشه خانه نک مستأجرلی
عزت و رفعت اغار ایله بینلرند تکون ایدن
منازعه حقنده علیه اوله رق مفسوخ ابنه
مجلسندن ویریلان قراره اعتراض ایله استیناف
دعوی الیسی اوزرینه مجلس مذکورک قرارنامه سی
لدی المطالعه نتیجه حکمی شیشه خانه نک ایجار
واستجارینه دار طرفین بیننده منعقد اولان مقاوله
طرفینک موافقتی اوزرینه فسخ ایله شیشه
خانه تیورباش اشیا ایله برابر پریکلی به دور و تسلیم
قلمش و تیورباش نقصانی دخی ویریلرک
مستأجرل طرفندن بیان اولمش اولسنه مبنی
مقاوله سندینک ایجار واستجاره دار اولان جزینک
مفسوخ طوتلسنه و آجر مرقوم شیشه خانه یه
کلید تعلیق ایتدیکنی اعتراف ایتکده ایسه ده اصل
اختاری مستأجرل زنده بولنوب عدم کساد
مستأجرلک فسخ مقاوله همچون ویردیکی قرار
اجرا ایده ماملرندن نشأت ایلدیکنی ادعا ایله شیشه

خانه نک سینه سبب اولدقاری جهته مسدود
اولدیغی مدت کراسنک مرقومانن تحصیل
لازم کله جکی افاده ایتکده و مرقومان ایسه
ادعا اولنان قراری تکذیب ایتکده اولدقاری
واشو مخالفتی دفع ایده جک برورقه ارئه اولندیغی
جهته کرا منازعه سنک فصلی شیشه خانه نک
مسدودیتنه سبب اولان جهتنک تحقیقه متوقف
بولمش و موجر مرقوم فسخ مقاوله همچون بینلرند
قرار ویرلدیکنه دار مرقومان عیین ایدر ایسه
کرا ادعا سندن صرف نظر ایده جکی بیان ایش
اولسایله اول امرده فسخ مقاوله حقنده بینلرند
قرار ویرمکلرینه دار عزت و رفعت اغارک تحلیفه
قرار ویرلدیکنی متضمن اولوب مرقوم پریکلی
ایجار مقاوله سی طرفینک رضاسیله ۱۹ رمضان
سنه ۸۷ تاریخنده فسخ اولندیغی و حق شیشه
خانه نک بعض محللرینه طرفندن کلید تعلیق
قلندیغی بیان ایتدیکی و مرقومانک ۶ شوال سنه
۸۷ تاریخلی پروتستونامه زنده دخی رضازی
اولقسزین پریکلی طرفندن کلید تعلیق اولندیغندن
بجمله بعدازین شیشه خانه بی قبول ایتوب اوج
کونه یعنی ۹ شوال سنه ۸۷ تاریخنه قدر شیشه
خانه بی کیرو الوب قونطورا توبی درایتسی اخطار
اولمش و بوالده فسخ ایجار ۹ شوال سنه ۸۷
تاریخنده وقوعبولمش ایدوکی تین ایدرک انجق
پریکلی شیشه خانه ۲۶ ذی الحجه سنه ۸۷
تاریخندن اول تخلیه اولندیغی حسیله بوتاریخه
قدر ایشلیان کرای ادعا ایتکده و مرقومان دخی
شیشه خانه ده بولنان اشیارینی قالدیرماملری
شیشه خانه نک سد اولندیغی جهته درونه کره ماملرندن
نشأت ایدوب کرا ویرمه جکلرینی سرد و بیان
ایتکده اولملرله ایجابی لدی المذکره مجله احکام
عدلیه نک بشیوز طقسان دردنجی ماده سندن
مأجورک رد و اعاده سی مستأجرک اوزرینه لازم

اولیوب اجاره‌نك اتقضا سنده مأجورك اخدی
آجر اوزرینه در دیومسطور اولدیغندن بوماده
موجنبه وقوع فسح ایچارده شیشه خانه‌ی
اخذ ایلک مرقوم پریکلی اوزرینه لازم اولدیغنه
بناء مارالذکر ۹ شوال سنه ۸۷ تاریخندن صکره
پریکلنک کرا طلبنه حق و صلاحیتی اولامیه جفته
و شو حالده ایجار مقاوله‌سی تاریخی اولان سکسان
یدی سنه‌سی شعبانی ابتداسندن اعتباراً شوالک
طقوزنجی کونته دکن ایکی ای طقوز کونده
ایجاب ایدن ایکی بیک اوچوز غروشدن پریکلنک
قبضی معترف اولدیغی بر ایلق بیک غروش
بالتزیل باقی بیک اوچوز غروشک عزت و رفعت
اغازدن تحصیلنه قرار ویرلدیکنی میبندر
لایحه اعتراضیه‌نک خلاصه مفادی ایچارک فسخنه
سببیت ویردیکی و کندولرینک اضرارینه بادی
اولدیغی حین محاکمه‌ده تین ایلدیکی حالده ایچارک
تأدیه‌سی حقنده اولان حکمی قبول ایده‌میه جکلری
و شیشه خانه‌ده مأور و اصناف حضورنده ثبت
دفتر اولمش و اولنه جق اون بیک غروشلق مقداری
ماللرینی پریکلنک ضبط و فروخت ایلدیکی
و بش التی بیک غروش اقراری تحتنده بولندیغی
حالده محکمه استینافیه یالکز ایجار دعواسنی فصل
ایدوب کندو حقلرینک قاله التامسی مغایر نظام
اولدیغی خصوصاً بولندن عبارتدر
پریکلنک لایحه جوابیه‌سنده فروخت ایلدیکی ماللر
مرقومانک اولیوب شیشه‌خانه‌نک قارشوسنده
مغازه سنده کی کندی مالی ایدوکی و شیشه خانه
هیئت اصلیه‌سیله ترك و تسلیم اولندیغی والات
لازمه‌سنک اکثریسی قیرق و قصان بولندیغی
و مرقومانک بویه واهی ادعایه قیاملری کندو حقنی
ابطال ایتک قصدندن عبارت ایدوکی بیانیه محکمه
استینافیه اعلامنده حکم اولنان مبالغ ایله بونک
خارجنده بولنان درت بیک بشیوز غروش الاجفنگ

و ضرر و زیانک تحصیلی استعدا اولمشدر
طرفین دائره‌یه استندلکده عزت و رفعت اغاز
ایله خلیل افندی و پریکلی وورو کلوب
مرقومان عزت و رفعت اغاز خلیل افندی بی
شفاهاً توکیل ایتارلیه محکمه استینافیه اعلامی
و لایحه‌ر مواجهه‌لنده قرائت اولندقدن صکره
بردیجکلری اولوب اولدیغی استفسار قلندقدن
ایکی طرف دخی اعلامده و لایحه‌لرنده محرر اولان
افاده‌لرینی تکرار ایله برابر وکیل خلیل افندی
پریکلی طرفندن فروخت اولمش اولان مال
موکلارینک اولدیغی و شیشه خانه‌نک حین دور
و تسلیمده دخی پریکلنک و موکلارینک ماللری بشقه
بشقه ثبت دفتر ایلدیکنی بیان ایله مذکور دفتری
ارائه و پریکلی مذکور ایکی قطعه دفترده محرر
اولان مال تمامیه شیشه خانه‌نک تیورباشی اوله‌رق
کندی مالی ایدوکنی افاده ایللری اوزرینه
شیشه خانه‌نک حین ایچارنده مرقومانه تسلیم
اولنان تیورباش اشیانک مفردات دفتری اولوب
اولدیغی صورلدقدن مرقوم پریکلی مرقومان
عزت و رفعت اغازک کندوسنه ویردکلری مخوم
مفردات دفتری مفسوخ ابیه مجلسنده بولنان
اوراق میاننده و بوکا دایر اولان محکمه تجارت
اعلامی دخی محکمه استینافیه اولدیغی و بونلرک
جاییله مطالعه اولمشنی سویلدیکندن اوراق
مرقومه جلب اولنه‌رق میاننده مذکور مفردات
دفتری کوریه مامسیله طرفین بتکرار استندلکده
مرقوم پریکلی شیشه خانه‌ده اولوب مرقومان
عزت و رفعت اغازه عائد اولان مالدن بومقداری
صاتمش ایه‌ده مرقومان ذمتنده بدل ایچاردن
و تیور باش نقصانندن الاجفی اولدیغندن بجمله
بونلر طرفنه ویرلدیکی حالده مذکور مالی عیناً
ویا خود بدلا ایفا ایده‌جکنی سویلمش و مذکور
تیور باش دفترینک استنلیسی ابتدایکی جلبده

پریکلی صاندیغی مال کندوسنک اولدیغنی افاده
ایلسندن نشأت ایدوب بوکره ایه‌سه مرقوم
اعتراف ایلدیکندن مذکور تیور باش دفترینک
کورلسنه حاجت قالمشدر
بونک اوزرینه کیفیت لدی المذاکره محکمه استینافیه‌ده
پریکلنک ۹ شوال سنه ۸۷ تاریخندن صکره کرا
طلبنه حق اولامیه جفته و مذکور تاریخه دکن
ایلمش اولان کرادن غیرازتسلیم حق اولان بیک
اوچوز غروشک عزت و رفعت اغازدن تحصیلنه
حکم اولمش ایه‌ده محکمه تجارتده و ابیه مجلسنده
مدعی بولنان مرقومان عزت و رفعت اغازسار
ادعای میاننده مذکور شیشه خانه‌ده اولوب
کندولرینه عائد بولنان ماللرندن بر مقدارینی
مرقوم پریکلنک صاندیغی درمیان و بونی پریکلی
دخی اعتراف ایلمش و محکمه استینافیه اعلامنده
حکایه اولنان لایحه جوابیه‌لنده کندولرینک
طقوز بیک غروشلق مقداری ماللری پریکلی
طرفندن صائبوب اثماتی توقیف قلندیغی و حین
محاکمه‌ده دخی کرادن پریکلی به بر مقدار بوجاری
کورینور ایه‌ده کندولرینک مرقومه الاجقاری
بولندیغی ادعا ایتمش اولدقاری حالده محکمه
استینافیه اساساً مدعی بولنان عزت و رفعت اغازک
وادعایینی مسکوت عنه و حکمسنز براغوبده یالکز
ایجار ماده‌سسه حکم ایتسی اصول محاکمه‌یه بخالف
ایلوکندن مذکور اعلام نقض اولندی بناء علیه
کیفیت منقوضیتی قیدی بالاسنه شرح ویردیکدن
صکره اصولنه توفیقاً تدقیق و فصلی ضمننده کیفیتی
محکمه استینافیه‌یه حواله‌سسه و اعلام و تبلیغ خرجی
اولان اون اوچ غروش ایله اوچ بیاض مجیدینک
پریکلی به عائد اولق اوزره عزت و رفعت اغازدن
التمسه قرار ویریه‌رک کیفیت طرفینه تفهیم
اولندی

تمیز حقوق دائره‌سندن ویریلان اعلام
صورتیدر
غلطه‌ده قره کویده مقیم صراف دیمترکی
قسطنطنییدی ایلله قانطو خاننده مقیم علیکساندر
پاسپالی بیننده تکون ایدن منازعه‌یه دایر دیوان
استینافدن ۲۸ ربیع الآخر سنه ۲۸۸ تاریخله
ویریلان قرار قرینه‌یه اعتراضی حاوی مرقوم
دیمترکینک وکیلی جوانی افکرک اعطا ایلدیکی
عرضحال ایلله مزکور قراری متضمن اولان
مصدق ضبط صورتی حواله جهیتندن تمیز
شرائطی اجرا ایتدیرلدکدن صکره ۲۴ رجب
سنه ۸۸ تاریخنده تمیز حقوق دائره‌سسه حواله
اولمش و قرار قطعی حقنده ویریلان ۱۷
جمادی‌الآخره سنه ۸۸ تاریخلی اعلام صورت
مصدق‌سیله بوکا اعتراضی حاوی برقطعه لایحه
مرقوم افکر جانبدن ۱۰ رمضان سنه ۸۸
تاریخنده ویرلمش اولسیله قرائت و مطالعه
اولندی
قرار مزکوری حاوی اولان اعلام خلاصه
مالی علیکساندر پاسپالینک برنجی مجلس اعلامنه
اعتراض ایلله استیناف دعوی ایلمسی اوزرینه
مذکور اعلام لدی المطالعنه نتیجه حکمی
علیکساندر پاسپالینک دیمترکی به یازمش اولدیغی
برقطعه تذکره استناداً درتیوز الی لیرانک مع
فائض و مصارف محاکمه تحصیلنه حکم اولندیغی
متضمن اولوب طرفین جلب ایله بعدالمحاکمه ایجابی
مذاکره اولندقدن سند دیواراز اولنان تذکره
اچقنک یارینه قدر استحضاری ضمننده اخبارنامه
نوعنده تاریخسنز برورقپاره اولوب سند اولدیغی
کی دروننده یازیلان اچقه تقریبی صورته
یازاش ایدوکندن مرقوم دیمترکی اچقی کیه
ویرمش ایه اچقنک مقدارینک تعیینله اندن
بر سند ویاخود امضا المی لازم کلور ایکن

اولیه سند و امضا ابراز ایده‌هایش و حکمی اولیان بر ورقه ایچون برنجی مجلس اعلامنده کوسرلیدیکی وجهله علکساندر پاسپالی جانندن پروتستو اولنسی دخی ایجاب ایتماش و پاره‌نک علکساندره ویرلیدیکی حقنده وکیل افکرك درمیان ایلدیکی براهین برکونه اوراق مقبوله‌یه مستند بولنماش اولدیغندن شایان قبول کوریه‌میوب بناء علیه مذکور ورقپاره اوزرینه پاره‌یی پاسپالی‌یه بالذات ویاخود وبالواسطه ویردیکنی دیمترکینک نظماً قبول اولنه‌جق صورتده اثبات ایلسی لزومه دأر ویریلان قرارتفهیم اولندقدن مرقوم دیمتری دیگر طرفک وکیل ایلله برلکده کلهرک اثبات مدعا ضمنده پنايوط نام کسنه‌یی کتوروب اقامه ایلدیکنندن لدی‌الاستیجواب اولوقت بونلر ییننده اچمه کتوروب کوتورمک معامله‌سندن بولنمش ایسه‌ده مبالغ منازع فیهی بیلدیکنی سولسلیله بویه شیلر ایلله ادعاسنی اثبات ایده‌مدیکی جهته نه ییپاجنی دیمتریدن سؤال ایلدکده پاسپالینک امضاسنی اقرار ایلدیکی تاریخسز برقطعه مکتوبی ایلله طلب ایتش اولدیغنی درتیوز الی عدد عثمانلی لیراسنی ۱۶ حزیران سنه ۱۸۶۹ تاریخته مصادف اولان بازار ایتسی کونی بالذات ویا بالواسطه کندوسندن المدیغه تحلیفی طلب ایلدیکنندن پاسپالینک وکیل موکلندن استمراج ایلک اوزره عینک پوصله‌سنی استمش و دیمترکی دخی تأمل ایلک ایچون بر پوصله‌ده کندوسی طلب ایتش اولسی اوزرینه مزبورانه اولوجهله بر پوصله ویرلکدن چند کون صکره پاسپالینک وکیل کلوب موکلنک عین ایده‌جکنی سرد ایلله بطریقخانه‌یه تسطیری لازم کلان تذکره‌نک یازلسنی سولنمش و مؤخرأ دیمترکی دخی بالذات کلوب عین تذکره‌سنی مصرانه طلب ایلش اولدیغندن تذکره مذکوره بالتسطیر دیمتری‌یه ویرلش

اولدیغنی حالده مؤخرأ طرفین جلب ایلله عین کیفیتی سؤال اولندقدن دیمترکینک وکیل افکر موکلنک صکره‌دن عین طلبندن رجوع ایلدیکنی انبا و دیگر طرفک وکیل دخی موکلنک برأته دأر اعلامک تنظیمی طلب واستدعا ایلش وشو حالده مرقوم دیمترکی اثبات مدعا ایده‌میه‌رک خصمی پاسپالی‌یه عین تکلیف ایلش ایکن مؤخرأ عین طلبندن رجوع ایتش اولسلیله برنجی مجلس اعلامی فسخ اولنوب دیمترکینک پاسپالینک نسنه طلبنه صلاحیتی اوله‌مدیغه قرار ویرلیدیکنی متضمندر

طرفینک باسند مصدق وکیللری اولان جوانی افکر ایلله علکساندر اکسیلوسک لایحه اعتراضیه وجوابیه‌ری مطالعه اول و آخر کندوزی جلب ایلله استیجواب اولندقدن مرقوم دیمترکینک وکیل افکرك خلاصه اعتراضاتی ایکی قضیه‌دن عبارت اولوب بونک برنجیسی علکساندر پاسپالی امضاسیله موکلی دیمترکی ییننده احتیاجه صالح سند اولدیغنی ودفترنده دخی مقید بولندیغنی جهته مرقوم علکساندر پاسپالی بونلری قبول ایتیبده اعتراض ایلدیغنی حالده اثباتک علکساندردن استملسی لازم کلور ایکن موکلندن بشقه اثبات ایتسی وسند مذکورک ورقپاره عدیله مقاوله واقعیه یاکلش معنا ویرلسی وایکجی عین حقنده خصمنک وکیل موکلنه دانشمق وکندو موکلی دخی دوشمک ایچون پوصله‌لر المش اولدقلریه نظراً هنوز ایجاب وقبول واقع اولماش اولدیغندن شو مقاوله تحلیفه‌یه ختام ویرلک اوزره تکرار طرفین جلب ایلله محاکمه ایلدیله‌رک عین تکلیفی افکارنده ثابت اولدیغنی وخصمی قبول ایلدیگی حالده بوراسی قرار اتنه التهرق بعده عین تذکره‌سنک اسطاری و عین مقاوله‌سی ختام بولماش اولدیغندن سائر صورتله اثبات مدعا ایده‌جکنه دأر استدعا

و افاداتی وقوعبولدیغنی حالده بونک اوزرینه بالحاکه بر قرار ویرلسی لازم کلور ایکن بوراره رعایت اولندیغنی خصوصلریدر

مذکور ورقه ایلله دیوان استیناف اعلامنک ضبطلری تجارتخانه‌دن جلب ایلله لدی‌المطالعاه ورقه مزبوره برنجی مجلس اعلامنده محرر عباریه موافق اولیوب دیوان استیناف اعلامنده محرر اولدیغنی وجهله اخبارنامه نوعسنده تاریخسز بر ورقپاره‌دن عبارت اوله‌رق سند اولدیغنی ودرونده یازیلان اچمه‌نک تقریری صورتده یازلش اولدیغنی مثلاً مذکور ضبطلر ایلله دیوان استیناف اعلامی دخی تطبیق اولندقدن اعلامک تمامیه ضبطلره موافق بولندیغنی اکلاشلش وعلکساندر اکسیلوسک خلاصه افاداتی مرقوم دیمترکینک حقسنلغندن بحثله دیوان استیناف اعلامنک تصدیق قلمسی استدعاسندن عبارت کورنمشدر

ایجابی لدی‌التذکر انفاً بیان قلندیغنی وجهله مرقوم وکیل افکرك اعتراضاتی ایکی ماده‌دن عبارت اولوب برنجیسی ورقه مبحث عنهانک احتیاجه صالح سند عد اولنماسی واثبات مدعا علکساندره عائد ایکن دیمترکی‌یه تکلیف اولنسی قضیه‌سیدر سند اولدیغنی ادعا قلنان ورقه مزبوره پاره‌نک التدیغه دأر اولیوب یارینه قدر تقریباً درتیوز الی لیرانک اقراض اولنوب اولنیه‌جغنک استفسارینه متدأر یازلش تاریخسز بر ورقپاره‌دن عبارت اوله‌رق احتیاجه صالح اوله‌می‌جغنی کبی برنجی مجلس اعلامنده دفترک غیر منتظم اولدیغنی بیان اولنسنه ومدعی کندوسی اولوب اثبات مدعا ایسه مدعی‌یه عائد بولنسنه نظراً مذکور برنجی اعتراض التفاته شایان دکلدر ایکجی قضیه‌که تحلیف حقنده طرفیندن قطعاً ایجاب وقبول وقوعبولماش ایکن موکلنک سائر صورتله اثباتی اولوب اولدیغنی تدقیق اولنمقسزین حکم

ویرلسی کیفیتدر متن اعلامدن و اعلامک اساسی اولان ضبط دعوی ورقه‌لرندن مستفاد اولدیغنی وجهله مرقوم دیمتری مدعاسنی اثبات ایده‌ماسی اوزرینه نه‌یپاجنی کندوسندن رسماً سؤال اولندقدن درتیوز الی عدد عثمانلی لیراسنی کندوسندن بالذات وبالواسطه المدیغه دأر خصمنک تحلیفی طلب ایتسی اوزرینه پاسپالینک وکیل موکلندن استمراج ایتک اوزره عین پوصله‌سنی استمش و دیمترکی دخی تأمل ایلک ایچون بر پوصله طلب ایتش اولدیغندن اولباده یدرینه بر قطعه پوصله ویرلکدن چند کون صکره پاسپالینک وکیل کلوب موکلی عین ایده‌جکندن تذکره‌نک یازلسنی سولنمش و مؤخرأ دیمترکی دخی بالذات کلوب عین تذکره‌سنی مصرانه طلب ایتش اولسی اوزرینه عین تذکره‌سی یازیلوب مرقوم دیمترکی‌یه ویرلش اولدیغنی و طرفین بطریقخانه‌یه گنیش اولدقلری حالده مرقوم دیمترکی صکره‌دن عین ایتدیرمکدن رجوع ایتش و بویه محکمه‌ده رسماً عین تکلیف اولندقدن وخصمی قبول ایلکدن صکره عین تکلیف ایدن طرف بوتکلیفدن رجوع ایده‌می‌ججکی کبی پاسپالینک وکیل کلوب موکلی عین ایده‌جکنی سویلکدن صکره دیمترکینک بالذات کلوب عین تذکره‌سنی مصرانه طلب واخذ ایلله بطریقخانه‌یه گنیشی دخی عین تکلیفنده ثابت اولدیغنی میدانه قومش اولدیغندن و دیمترکی عین تکلیف ایلکدن صکره طرفینک برلکده کلیده ابتدا پاسپالینک وکیلنک صکره مرقوم دیمترکینک محکمه‌یه کللری دخی عین تکلیفک بطلاننی ایجاب ایتیه‌جکندن وسائر صورتله اثباتی اولسیدی عین تکلیف ایتزدن اول میدانه قومسی لازم کلوب یوقسه اثبات مدعا ایده‌میوبده عین تکلیف ایتدکدن صکره اثبات دعواسنک مسموع اولیه‌جغنی درکار بولندیغندن و اعتراض دخی واهی و حکمسزدو شو حالده

وکیل افکرت اعتراضات مشروحه سینه دیوان
استیناف اعلامک نقضی ایجاب ایدر برکونه
سبب کورله مدیکندن مذکور اعلامک تصدیقنه
واعلام وتبلغ خرجی اولان درت یحق عثمانلی
لیراسی و اوچ بیاض مجیدیه نک دیمترکیه عالد اولق
اوزره علیکساندر پاسپالیدن التسنه قرار ویریلرک
صورت قرار طرفینه دخی تفهیم قلندی

محاکات جزایه دأرسندن ویریلان مضبطه
صورتیدر

کوبه قریه لی عیسی نام کسنه نک اوتدن معمول
خانه سنی لیلأ دلوب دخول ایله مرقومی جرح ایدرک
فعل سرقتی اجرا ایتش اولان پالوللی حسین و داود
واوزون اجد حقلرنده اجرا قلنان تدقیقات نظامیه یی
حاوی اطنه ولایتک ۶ جمادی الاخره سنه ۱۲۹۰
تاریخی لی تحریراتیله دیوان تمیز ولایتدن
منذیل مجلس تمیز لوا مضبطه سی و اوراق
استنطاقیه محاکات جزایه دأرسنده مطالعه
اولندی

اوراق مذکوره مألرنده طقسان سنه سی شهر
ربیع الاخرینک اوچنجی جمعه کیجه سی مرقوم عیسی
قریه مذکوره ده کائن اوتدن معمول خانه سنده
اوچخوده ایکن زوجیه سی برچا طردی ایشیدوب
کندوسنی او باندردیغندن قالقوب باقدیغنده
اشخاص مرقومه بی خانه سی دروننده بالمشاهده
اخذ و کرفتارینه ابتدار ایلدیکی صروده ایچارندن
برسی بچاقله کندوسنی جرح ایدرک بررقیله برابر
فرار ایدوب دیگر رفیقی در دست ایتک اوزره
اوغراشور ایکن بودخی اوزرینه طبانجه اتهرق
قورشونی یالکز البسه سنه اصابتله وجودینه ایشلماش
و بو اتیلان طبانجه اوزرینه اهالی قریه دن مصطفی
و ابراهیم و سلیمان و دیگر ابراهیم یتش رک اخذ
و کرفت ایتدکلرنده پالوللی حسین اولدیخی

کوریلوب کیفیت لدی السؤال خانه سنی دلوب
دخول و صندیغی شکست ایدرک بر بوغچه اشیا
سرقت ایلان و کندوسنی بچاقله جرح ایدن
رفیقارندن داود اولوب اشیا مسروقه یی دخی
دیگر رفیقی اوزون اجده اعطا ایله فرار ایتش
اولدکلرینی بالیان اجرای ایجابی ادعا ایتشی
اوزرینه تدقیقات استنطاقیه لدی الابتدار اگرچه
مرقومار فضیحه مزبورده مدخلرینی انکار ایتش
ایسه زده ایله مذکوره ده اوچی برلکده سرقت
نیستله خانه مذکوره کتدکلرینی مرقومار اعتراف
ایله فقط خانه نک دلنسی و ایچرویه دخول ایله
صندغک قیریلوب اشیا نک سرقت اولنسی
یکدیگره عزو ایلدکلرینی ضبطیه یوز باشیسی
خورشید اغا و ضبطیه چاوشی ولی و ژورنال
کاتبی حسن افندینک مع الخلف اخبار ایتلرینه
و مرقوم حسینک در دستنده طبانجه سنک یکی
اتش اولدیخی کوریلوب بو طبانجه مرقومک
طبانجه سی اولدیخی خبر ویرلیدیکی کی مرقوم
داودک بچاقله مدعی مرقومی جرح ایلدیکی دخی
مرقوم حسین طرفندن افاده اولنهرق مرقوم
داودک بچاغنده دم اثری کبرلمسنه نظراً
مرقوملرک ایقاع جرح ایله برابر فعل سرقتی اجرا
ایتش اولدکلری تبین ایتش و سرقت ایتدکلری
بر بوغچه اشیا ایتدکلری یرده بولدریلرک تمامأ
مدعی مرقومه اعطا قلنش اولمسيله مرقوملرک
ایکیوز اون سکنجی ماده قانونیه حکمنجه مؤبدأ
کورکه قونلاری اشعار قلنشدر

مقاد اشعاره نظراً مرقومون حسین و داود
و احمد لیلأ و مسلأ مدعی مرقومک خانه سنی
دلرک و بالدخول معامله شدتله جرح وقوعه
کتوره رک فعل سرقتی اجرا ایتش اولدکلری تبین
ایتش اولدیغنه و مذکور ایکیوز اون سکنجی
ماده قانونیه ده لیلأ ایکی یادها زیاده اشخاص

برلکده اولدکلری حالد معامله جبر و شدت
اجراسیله خرسزلق ایدنلر موقتأ کورکه قونلور
و اگر بویه خرسزلق اجراسنده وقوعبولان
معامله شیدهدن اثر جرح ظهور ایتش ایسه
بویه خرسزلغه متجاسر اولنلر مؤبدأ کورکه وضع
اولنورلر دیو محرر بولندیغنه مبنی بو ماده موجبجه
امر شهیرلری اون طقوزنجی ماده قانونیه ده
مندرج قاعدهیه بالتوفیق مؤبدأ کورکه قونلر
اوزره قبریسه اعزام اولنلری خصوصنک ولایت
مشار الیهایه و مرقومونک وصولرنده اولوجمله
کورکه قونلاری جهتنک دخی قبریس متصرفلغه
امر و اشعار بیورلمسنه قرار ویرلیدی امر
و فرمان حضرت من له الامر کدر

محاکات جزایه دأرسندن ویریلان مضبطه
صورتیدر

قسطنونی سنجاغنده واقع اسکلب قضاسنه تابع
اولقلی قریه سی اهالیسندن حالی اوغلی محمدک
اون درت یاشنده بکر بالغه قری شریفه نک قاتلی
اولان قریه مرقومه لی تبیل اوغلی مصطفی حقتده
اجرا قلنان تحقیقات نظامیه و محاکمه شرعیه
دأر قسطنونی ولایتک وارد اولوب دیوان
احکام عدلیه ده حواله بیوریلان ۲۱ دی الحجه
سنه ۸۹ تاریخی و ایکی یوز سکسان ایکی
نومرولی تحریراتیله بالاسی استنطاقلو دیوان تمیز
ولایتدن مصدق مجلس دعاوی قضا مضبطه سی
واعلام شرعی محاکات جزایه دأرسنده مطالعه
اولندی

اوراق مرقومه مألرنده سکسان طقوز سنه سی
ربیع الاخرینک یکرمی ایکنجی جمعه ایرتسی کونی
مزبوره شریفه کویه برچارلیک مسافه سی اولان
باغنده ایش ایشلکده اولان پدری محمد از یق
کوتوروب اثنای عودتنده مرقوم مصطفی طرفندن
قتل اولدیغی پدری محمد جانبندن ادعا اولنسی

وکشف ایتدیرلکده بکری ازاله اولنهرق قیون
ذبح اولنور کی بوغازلنش اولدیغنک باعلام
بلدیسی اوزرینه تدقیقات استنطاقیه لدی الابتدار
مرقوم مصطفی اول امرده قضیه ده مدخلی
انکار ایتش ایسه ده دره ایچنده بولنش اولان
طولاق کندوسنک اولدیغی بیان قلنسیله انکاره
مجالی قالوب طاشلی دره اوزرنده مزبور محمدک کراز
اغاجنه چیقوب کراز اکل ایدر ایکن مزبوره
شریفه پدرینه اکک کتوروب اثنای عودتنده
کندوسنی اغاج اوزرنده کوروب اشاغییه دعوت
ایتمسینه همان اینه رک مزبوره شریفه یی طوقوب
پرمغله بکری ازاله ایتدکدنصرکه دره ایچنه اتوب
قره صاپلو بچاقله قتل ایلدیکی اقرار ایلسنه
ومذکور طولاق دخی کندوسنک اولدیغی معترف
بولنسنه نظراً مرقومدن صدوری تبین ایتش
وقصاصنه حکم شرعی لاحق اولدقدنصرکه ورته
طرفندن عفو اولنش اولدیغندن مرقومک یوز
یتش ایکنجی ماده قانونیه ده توفیقأ اون بش سنه
مدتله کورکه قونلری استشار قانش و مرقوم
مصطفی نک اثنای قتله اون التی یاشنده بولندیغی
محلله باتلراف بالخبره النان جوابدن اکلا نشیدر
اعلام شرعی مالی دخی مزبور مصطفی مزبوره
شریفه یی موجب قصاص اولان قتل ایله قتل
ایلدیکی طایعأ اقرار ایله بعدالاثبت موجبجه
مزبوره شریفه نک پدری محمد و والده سی عایشه نک
طلبلریله حضور زنده قاتل مرقومک قصاصنه
حکم اولدقدنصرکه ابوات مزورات ورته زری
متوفاه مزبوره نک دم دیتنه متعلقه دعوادن مدعی
علیه مزبورک قبوانی حاوی ذمتی ابرا واسقاط
ایلدکلرینی بیاندن عبارت اولوب بوصورته ابوات
فیما بعد خصوص مذکور حقتده مدعی علیه
مزبور دن نسنه دعواسنه قادر اولیه جقاری جانب
فتوا خانه دن ظهراعلامه تحریر و اشارت قلنشدر
مدلول اشعاره نظراً قتل مذکورک مرقوم مصطفادن

همه سی الته یکر می التی دانه صاچه اصابت
ایدرک درت ساعت مرورنده متأثراً وفات ایتش
اولدینگی خبر ویرلسی اوزرینه تدقیقات استنطاقیه
لدی الابتدار مرقوم طاهر یوم مذکورده سالف
البیان بقال دکانه کتمش ایسه ده زیاده جه
سرخوش اولدینغندن تفنکنک کیمک طرفندن ونه
وجهله اتلدینغنی بیلدیک کبی مرقوم حبیه بی
اوراده کورمیدیکنی بیان ایله فعل قتلده مدخانی
انکار ایتش ایسه ده مذکور او یوک قریه لی جلاسقو
اوغلی میخو بر طاقم ادملرله اوراده بولندقلری
ائنده مزبور طاهر سرخوش اولدینغی حالده کلوب
سب و شتم ایله صرتمده اولان تفنکی الته الهرق
اوتیه برویه چوریمکه باشلامسیه مزبور حبیه
مابعدی صکره

اِغْلَان

قضاة قیو کتخداسی متوفی محمود افندی ورثه سنک
موالیدن فضیلتلو عثمان زکی افندی ذمتده
الاجنی اولان مبالغ تسویه اولنق اوزره مقابلنده
وکالت دوریه ایله مرهون اولان اسکدارده
قسقلی قریه سنده واقع اشجار و کروم مغروس
باغیله برابر بر باب کوشکک مومی الیه زکی
افندی عهده سنده بولنان نصف حصه سی بوندن
مقدم مزاده ویریه طقسان التی بیک غروشه
چیمش و شهر حالک یکر می اوچنجی کونی
مزایده سی قراری ویریلوب طالبه فراغی مصم
بولنمش اولدینغندن وقت مذکورده قدر زیاده
طالب اولنلرک دیوان احکام عدلیه اجرا جمعیتنه
مراجعت ایللری اعلان اولنور

صدوری اقرار ایله شرعاً و نظماً تبین ایدرک
شرعاً قصاصنه حکم اولندینغی حالده ورثه جانبدن
مظهر عفو اولمش ایدوکنندن و ذکر اولنان یوز یتش
ایکنجی ماده قانونیه ده قصاص یا اعدام جزارندن
عفو اولنان قاتل مؤبدأ یا خود اون بش سنه دن
اقل اولنق اوزره موقتاً کورکه قونیلوردیو
محرم بولندینغنه بناء مرقومک بو حکمه توفیقاً و تاریخ
حبس اولدینغی اوراق مرقومه ده کوستریلان
سکسان طقوز سنه سی ربیع الاخرینک یکر می
التنجی کونندن اعتباراً اون التی یاشنده اولدینغی
جهتله بلا تشهیر اون بش سنه مدته سینوبده
کورکه قونلسی خصوصنک ولایت مشار الیه یاه
امر و اشعار بیورلسنه قرار ویرلدی امر فرمان
حضرت منله الامر کدر

محاکات جزایه دأر سندن ویریلان مضبطه
صورتیدر

اسلمیه سنجاغنده واقع قرین ابال قضاسته تابع
الا طاغلی قریه لی اسلاف اوغلی حبیه نام
شخصک قاتلی اولان یانبولی قصبه لی سلیم اوغلی
قورچی طاهر حقننده اجرا قلنان تدقیقات
نظامیه بی متضمن ادرنه ولایتنک دیوان احکام
عدلیه ده ورود ایدن ۲۶ ربیع الاخر سنه ۹۰
تاریخلی وایکی یوز اون نومرولی تحریراتیله
دیوان تمیز ولایتدن مصدق مجلس تمیز لوا
مضبطه سی واوراق استنطاقیه محاکات جزایه
دأر سنده مطالعه اولندی

اوراق مذکورہ أللزده سکسان التی سنه سی
رجبنک اون بشنجی بازار کونی مرقوم حبیه
برأس مانده التی اوزره او یوک قریه سنه کیدرک
اوراده بولنان بقال دکانک اوکنده ایکن
مرقوم طاهر طرفندن تفنک انداختیه قتل
اولندینغی ادما قلمسی وشف ایتدرلده صول